

Oké Take Away

Nos Special

Diahuebs 27

- Comcomber stoba, carni cu rabo
- bacalao
- mochi pisca
- Galiña stoba
- Aros con pollo cu sate
- sopi di galiña
- Porkchop- chicken breast

Pedido:

565-3232

S

Prijs

1.25

LO

Di Pueblo

BRIYANDO FUERTE • TRECIENDO CLARIDAD

Diahuebs 27 Juli 2024

GANA

1000

FLORIN CU



HULANDA TA DESCRIMINA ARUBA; DEBE DI CURACAO SI A WORDO SANEA

GRIEP PISA ANDANDO CU TA DAL HOPI DURO CU DRAAIMENTO DI CABES



Comprension di pashent ta peticion di HOH:

Actualmente policlinica Ginecologia pasando den momentonan di escasez



Acceptando RAFT manera Hulanda kier lo mata pais manera a pasa na Curacao y Sint Maarten



MINISTER ENDY CROES A FIRMA 35 MB PA E DOCENTENAN CU MESTER RICIBI NAN AMBTSJUBILEUM AUGUSTUS PROXIMO



GANAN 1000 FLORIN CU SOLO DI PUEBLO PA “BACK 2 SCHOOL”

Premionan ta wordo anuncia dia 15 di Augustus 2023.

Tira e coupon aki den buzón na oficina di Solo di Pueblo na Sta Cruz 110, solamente entre 2or di atardi cu 4or di atardi.

Number y faam:

Adres: Celular: E-mail:

1000 florin - 1000 florin - 1000 florin



Comprension di pashent ta peticion di HOH: Actualmente policlinica Ginecologia pasando den momentonan di escasez

Como Hospital nos vision ta pa tin cuidu accesibel pa tur hende sin compromete e calidad cu tur hende merece. Y nos servicio diario ta basa riba e fundacionnan di nos organisacion cu ta pa brinda cuidu cu compasion y hospitalidad. Den mesun rosea mester corda tambe cu pashentnan tin nan derecho pero tambe deber pa cu dunadonan di cuidu y e team di sosten pa asina diariamente por atende pashent.

E mesun vision aki tambe ta valido pa tur policlinica unda specialistanan ta mira pashent riba consulta y pues tambe pa e team di policlinica Ginecologia cu kier ta accesibel pa tur hende. Pero ultimo tempo team di policlinica Ginecologia ta pasando den momentonan di escasez y awo e tin un efecto grandi riba e team completo y tambe riba cuidu di pashent. Siguridad di nos empleadonan ta hopi importante banda di cumpli cu nos vision como organisacion. Nos kier pa pashent haya e cuidu cu nan merece pero no mester lubida pa keda cu respet mutuo.

Policlinica y cifra

Policlinica Ginecologia desde januari 2023 te cu fin di juni a mira no menos di 6289 pashent. Banda di consulta pashent, e specialistanan ta mira diariamente pashent admiti den Hospital. Y tur esaki ta wordo dirigi pa e team na bali di secretaria cu ta atende telefon y alabes ta contesta no menos di 200 mensahe via whatsapp pa dia. Un policlinica cu tin mester di mas Ginecologo cu diferente experticio awo ta haya nan mes den un situacion mas fastioso ainda cu tin consecuencia pa e pashent



mirando cu pa algun luna no ta bay tin suficiente ginecologo pa atende tur pashent. Pues aworaki lo mester wak cua pashent tin cu wordo atendi cu emergencia y cua pashent por warda un rato mirando cu nan situacion ta uno di menos di urgencia. Un situacion no deseabel ni pa pashent y tampoco pa Hospital y policlinica Ginecologia.

Situacion actual policlinica Ginecologia

Lamentablemente e escasez lo bira mas mirando cu e team di policlinica Ginecologia ta bisa ayo na dr. Babet Latour y dr. Susanne Thys cu a scoge pa un reto nobo y alabes dr. Sietske Althuisius cu ta baha cu su pensioen bon merci. Nos ta gradici nan pa tur loke nan a haci pa tur pashent y tambe pa nos Hospital y ta desea nan tur cos bon pa cu nan futuro. Pa sigui brinda cuidu na tur pashent di policlinica Ginecologia lo t'ey pa nos pashentnan dr. Daphne Moreta y dr. Alejandro Garcia. E puestonan di ginecologo cu ta habri lo wordo yena

temporalmente cu “waarnemers” te ora logra yena e vacaturanan cu tin habri a largo plaso. Pashentnan di ginecologonan dr. Moreta y dr. Garcia lo keda bou di nan cuidu y tur otro pashent lo pasa algun luna bou di cuidu di diferente “waarnemers”. Pues lamentablemente escohencia di ginecologo por lo pronto no lo ta posibel manera custumber.

Con nos por yudabo

Nos kier atende tur pashent lo miho posibel pues ta splica akibou nos forma di traha:

1. Pa consulta mester yama 527 4130
2. Number di whatsapp 597-4843 ta pa mensahe di texto solamente cu lo wordo contesta den 24ora (solamente haci uzo di whatsapp pa pidi receta, herhaal consult y pa cancela afspraak)
3. E-mail: poli.gynaecologie@hoharuba.com ta pa tur pregunta menos pa pidi receta, herhaal consult y tampoco pa cancela afspraak.

Mirando e situacion di escasez na

poli Ginecologia ta pidi pashent pa manda un email of trece nan verwijsbrief di dokter di cas y e peticion aki lo bay riba un lista di espera. E especialista lo pasa riba e lista continuamente y segun prioridad/ emergencia lo yama pashent pa un cita. E agenda actualmente ta wordo maneha pa luna y pues lo traha cita cu pashent segun prioridad/ emergencia.

Esfuerso conhunto

Team completo di maneho conhuntamente cu specialistanan ginecolognan ta hasiendo nan maximo esfuerso pa yena e vacaturanan den ginecologia mas lihe cu ta posibel pero mester corda cu tin scarcedad. E enfoka ta pa nos logra yena tur vacatura no mas tarda cu 1 di januari 2024 pa asina un bes mas ta acesibel pa tur pashent manera ya ta custumber. Un biaha mas team di maneho di Hospital hunto cu team completo di Ginecologia ta pidi comunidad comprension pa e situacion cu ta pasando aden awo y danki pa e pashenshi.

HULANDA TA DESCRIMINA ARUBA; DEBE DI CURACAO SI A WORDO SANEA

Den tur huki por scucha un desapunto pa Hulanda su trato na Aruba. Bueno, mihor nos bisa su 'maltrato' na Aruba.

Tur cos ta draai rond di e hecho cu Hulanda kier kita poder di parlamento di Aruba, pa asina por supervisa Finanzas di pais Aruba.

E discriminacion ta sinta den e hecho, cu na 10-10-10 Hulanda a saneer debe di Curacao, unda Curacao a haya un freshstart.

Aki ta unda Hulanda ta descrina 'diki diki' contra Aruba. Of mihor bisa, Aruba ta pasa pa pais di 3cer categoria, pasobra pa nan si, pa nos no.

Hulanda te pais cu ta para pa derecho igual? Pero como pais, unda nos derecho igual a keda? Esaki ta e essentia riba e discucion di RAFT.

Algun politico sinberguenza cu tin anshi morto pa bende Aruba y su parlamento, sin existi respet y trato igual. Obviamente Hulanda ta discrimina y no tin espacio pa duda den nan actonan.

E chabelito Rudy Lampe por ta bon studia, pero na werki pa dialoga

Recientemente por a scucha Rudy Lampe & friends ta yora den rueda di prensa y ta lansa tur sorto di critica riba e actual minister di enseñansa. Na tur forma ta purba di bagetalisa trabaonan haci pa Minister Endy Croes.

Su critica ta bisa cu tur loke Minister Endy Croes haci, ta su idea y su plan. Por ta bien posibel cu e por tin bon plan cu el'a laga atras. Tambe e tin mal plan cu el'a laga atras cu ya caba Minister Endy Croes a corigí y reverse.

Sin embargo riba e loke cu Rudy Lampe mester compronde te hecho cu e nunca por a dialoga cu ningun persona.

E ta realmente parce Mr. Bean cu su peluche, leuw



for di mundo. Pues, un ex minister cu kisas tin bon estudio, pero na werki den dialoga y na werki con pa gana sosten bao di maestronan.

Pesey mes el'a fracasa como minister y como politico, perdiendo su asiento den parlamento.

Griep pisa andando cu ta dal hopi duro cu draaimento di cabes

Solo di Pueblo a conversa cu algun persona cu a indica cu tin un griep duro pasando den pueblo.

Un testigo a bisa cu el'a mal experencia esaki cu hasta a bin cu draaimento di cabes.

No por descarta cu ta un version nobo di Covid.

Ta conseha tur hende pa lanta proteccion, y cuminsa laba man ! Un persona a haya e siguiente sintomanan: * Sintoma di griep * Keintura

* Curpa kibra * Perdida di smaak y holor * VERTIGO pisa (draimento di cabez). Ta recomenda hendenan malo pa isola nan mes y famianan tene distancia, pasobra e por pega liher.



Results of the Government of Aruba Bonds Issue – Afl. 160,000,000.00 6.50% July 25, 2023 – 2036

Issuance pursuant to the State Decree of May 12, 2023 no. 14 in implementation of article 2 of the State Ordinance of November 24, 2022 establishing the budgets of the Ministries of Aruba for the 2023 service year and authorizing the Minister of Finance to cover its financing needs in the 2023 service year (AB 2022 no. 145), the articles 3, 5, 6, second paragraph, 7, 15, 16 and 17 of the State Ordinance Treasury Paper (AB 1987 no. 3), and articles 2, 3, 4, 9, first and third paragraph, 10, 11, 12, second paragraph, 13, 14, first paragraph, part a, and second paragraph, 16, 17, second paragraph, 18, 19, 20, 27, 28 and 29 of the State Decree on Treasury Paper (AB 1988 no. 6).

The Central Bank of Aruba informs that, in applying a tender system as laid down in the document "Policy governing Government of Aruba's electronic bond issue via a tender system", the effective yield for the above-mentioned bond issue amounted to 6.01 percent, for an amount of Afl. 160,000,000.00 with a maturity of 13 years at a yearly coupon of 6.50 percent. This amount has been fully subscribed.

Aruba, July 27, 2023
Centrale Bank van Aruba

Yiu a hinca su mama y despues ta hinca su mes; ambos transporta cu urgencia pa Hospitaal



MONTANA/SHABA:

Diamars algo pasa di 4 'or y mey di atardi, a yega un señora na Warda di polis na Shaba baña na sanger. E la splica polis cu su yiu cu problema mental a hink'e.

Un persona den un Chevrolet Spark a topa

e mama tur na sanger y mesora a hinca e mama den auto y a hibe warda di polis. E Chevrolet Spark tabata tur na sanger.

Mesora a manda algun patruya di polis na e cas na Montaña.

Na e cas polis a bin topa cu e yiu sin paña bisti ta cana den cura di e cas, e yiu tabata tin un corta basta profundo. Muy probablemente e lo a corta su mes.

Mesora polis a detene y a pidi pa presencia di ambulance cu urgencia mirando cu e yiu tambe tabata seriamente herida. Por a mira riba e porta di e cas y riba vloer dilanti di e cas varios rastro di sanger.

Recherche, departamento tecnico di polis tambe a wordo pidi na Warda di Shaba pa haci e investigacionnan necesario riba e auto y tambe



na e cas caminda e hincamento a tuma lugar.

Dos patruya di polis a core dilanti di ambulance cu a transporta e yiu, pa asina habri caminda pa nan yega lihe hospital, mirando cu e tabata den un estado critico. E yiu ta un Respaldo pashent, unda e situacion aki a bay completamente for di man investigacion lo mester deduci esey. Pregunta cardinal den e caso aki ta si e yiu a ricibi su medicamentonan necesario y na ora.

Homber supuestamente sucuestra y maltrata



Madiki - Diamars den oranan di merdia pa atardi polis a bay un adres den Madiki, pa un caso apart.

Polis na e sitio a pidi pa un ambulance, debi cu tin un homber cu a wordo

maltrata.

Locual agentenan na e sitio por a saca afo tawata cu e homber eynan lo a wordo secuestra y unda cu nan a hibe ey ta unda e lo a wordo bati.

Paramediconan cu a yega na e sitio a dun'e asistencia medico necesario.

Nos a compronde cu Recherche tambe a wordo poni na altura di e caso aki.



KVK TA RECORDA FUNDACIONNAN RIBA OBLIGACIONNAN LEGAL IMPORTANTE

Camara di Comercio y Industria Aruba (KvK) kier a tuma e oportunidad pa recorda tur fundacionnan riba e siguiente obligacionnan stipula pa ley cu ta di importancia pa e fundacion. Cu e implementacion di Buki 2 di Codigo Civil di Aruba y e version adapta di e Ley di Registro Comercial, tur fundacion mester wordo inscribi na KvK.

Codigo Civil di Aruba

Cu e implementacion di Buki 2 di e Codigo Civil di Aruba riba 1 di januari 2021, tur entidad legal, incluyendo fundacionnan, tin e obligacion legal pa registra den e Registro di negoshi (Handelsregister) na KvK. Desde e fecha aki, e Registro di fundacion (Stichtingenregister), ta forma parti di e Registro di negoshi. Fundacionnan cu ya tawata inscribi den e Registro di fundacion prome cu 1 di januari 2021, no mester registra di nobo den e Registro di negoshi na KvK. E registracion aki a tuma lugha automaticamente. E fundacionnan aki no mester bolbe paga e montante di inscripcion pero si mester paga e contribucion anual. Pa inscribi un cambio den statuto, lo mester paga un montante.

Ley di Registro Comercial tin consecuencia pa fundacion existente

Desde 1 di januari 2023 adrenta navigator un version adaptada di e Ley di Registro Comercial (Handelsregisterverordening). Cu e adaptacion aki, tur fundacion tin e obligacion legal pa registra, alabes paga un contribucion anual. Pa inscribi un cambio den statuto tambe lo mester paga un montante. Inscripcion di fundacion nobo

Ora di registra un fundacion den e Registro di negoshi, mester paga un montante pa inscripcion (Eerste Inschrijving). Alabes, despues di 1 aña, tin e obligacion di paga un contribucion anual. Pa inscribi un cambio den statuto tambe lo mester paga un montante.

Atencion: fundacionnan existente cu nunca a wordo registra den e Registro di fundacion of den e Registro di negoshi, fabor di haci e registracion mas lihe posibel den e Registro di negoshi na KvK. Costo di inscripcion y di e contribucion anual ta aplicabel.

Costo aplicabel

E costo di inscripcion y e contribucion anual ta stipula den e Ley di Registro Comercial y ta lo siguiente:

- Costo di inscripcion di un fundacion (un biaha) ta Afl. 96,00.
- Contribucion anual Afl. 96,00. Atencion: Pa fundacionnan comercial por tin un otro suma aplicabel.
- Costo pa inscribi cambio den statuto (pa cada cambio di statuto) Afl. 56,00.

KvK kier recorda cu e contribucion anual conforme ley mester wordo paga prome cu 15 maart di cada aña. Si acaso no a haci e pago di e contribucion anual 2023, fabor di haci e pago mas lihe posibel, pero no mas laat cu 31 di augustus 2023. Pa cualkier pregunta of informacion tocante bo cuenta pendiente, por tuma contacto via e-mail na financial@arubachamber.com of por yama na 582-1566 ext. 337/343.

MINISTER ENDY CROES A FIRMA 35 MB PA E DOCENTENAN CU MESTER RICIBI NAN AMBTSJUBILEUM AUGUSTUS PROXIMO

Durante Conferencia di Prensa di Gobierno di Aruba, dia 20 di juli 2023, Minister di Enseñansa y Deporte Endy Croes a elabora riba e topico Ambtsjubileum. Manera ta conoci, pa mas di dies (10) aña un total di 35 docente tabatin retraso pa haya nan ambtsjubileum. Desde e luna di november di aña 2022 te cu maart di aña aki, Gobierno di Aruba a traha duro pa actualisa esaki.

Minister Endy Croes ya a firma tur Ministeriële Beschikking (MB), pues tur e 35 docentenan cu mester a ricibi nan ambtsjubileum den luna di augustus proximo, tin nan documentonan cla. Banda di esaki, Ministerio di Enseñansa ta trahando duro pa finalisa tur ambtsjubileum di aña 2023. Masha pabien na tur docente cu a ricibi nan ambtsjubileum.




KOORYMAN

NO 07 - VALID FROM JULY 27th UNTIL AUGUST 13th, 2023

30% DISCOUNT
on all black bamboo screens and poles

10% DISCOUNT
on 3000 Fun Miles Hammock Chair
Available in 3 colors

ONZE NIEUWE BROCHURE IS UIT!

BESCHIKBAAR ONLINE & IN STORE

THERE IS ALWAYS SOMETHING TO DO

[kooymanbv.com](https://www.kooymanbv.com)

Departamento di Salubridad a cera supermarket den Dakota

Caya Papa Juan Pablo II - Dialuna departamento di control pa higiena a haci control ariba algun supermarket den Dakota.

YiYi Supermarket situa den ex Rondweg parti pabou tawata un di esnan cu a haya bishita di e team cu ta efectua e controlnan aki.

Durante e control a bin haya un monton di cosnan for di sla.

Pa prome carchinan berd'e no tawata na ordo.

E supermarket aki masha hopi keho tin, manera holor desagradabel y masha hopi productonan bieu y asina mes ta pusha e clientenan cu nan pa un prijs "abou".

Pues YiYi Supermarket ta cera na e momentonan te ora tur cos ta na ordo y limpi.



MINISTER ENDY CROES TA DESEA SCOUT ORA UBAO CU TA BAY PARTICIPA DEN UN JAMBOREE INTERNACIONAL NA SUISA HOPI EXITO



Diabierna ultimo, Minister di Enseñansa di Deporte Endy Croes hunto cu colega Minister Ursell Arends a ricibi Scout Ora Ubao na e edificio di Bestuurskantor. Den e ocasion aki a otorga e

grupo di Scout Ora Ubao cu ta biahando pronto na Kandersteg, Suiza, diferente material di promocion, entre otro, bandera y t-shirt. Un grupo di 17 hoben di Aruba ta bay participa den un



Jamboree internacional cu participacion di diferente grupo di scout di diferente pais rond di mundo.

Minister Endy Croes hunto cu colega Minister Ursell Arends y Aruba Tourism Authority (ATA) a haci entrega di diferente obsekio di promocion na esnan cu ta bayendo Suiza durante 16 dia pa representa nos dushi isla.

Scout Ora Ubao ta cumpliendo e aña aki 36 aña di existencia. Nan ta

e grupo di scout di mas grandi di Aruba cu un total di 110 miembro. Minister Endy Croes ta felicita Scout Ora Ubao cu nan 36

aña di existencia y ta desea nan tur clase di exito den exterior. Aruba ta orguyoso di boso!



Acceptando RAFT manera Hulanda kier lo mata pais manera a pasa na Curacao y Sint Maarten

Tin hopi hende ta trece opinion dilanti, pero den forma di locura y sin ningun base. E debate di mas recien ta trata e RAFT cu Hulanda kier pa Aruba acepta.

Acceptando e raft manera Hulanda kier, a cambio di 30 miyon cu ta spaar, bo ta mata bo pais manera a pasa na Corsow y Sint Maarten. Bo no por fia local mas cu tur consecuencia pa instancianan financiero cu no por inverti mas door di cumpra bono.

Presidente di Parlamento Sr. Edgard Vrolijk a bisa cu "Esey ta un punto cu nos ta luchando pe pa no pasa

mescos Corsow.

Nos ta conciente di nos situacion pero nos no tin di percura pa e bira pio. Nos a pidi evaluacion di RFT y ainda ta warda paso paisnan cu a haya kwijtschelding di nan debenan na 2010 y awo 13 aña despues tin casi mesun debe cu Aruba cu nunca a haya noun kwijtschelding ni fianza na interes abao manera e otro dos islanan y cu nos ta desatre Eman y Pandemia a causa nos unda nos ta. Mescos ora di pandemia mesun gruponan a grita tuma placa y firma pero ora di yuda pa paga bek no kier copera"



Hyundai Tucson a bay cay den mondi despues di accidente na Buena Vista



Buena Vista - Diamars den oranan di atardi polis y ambulance a bay un biaha mas ariba e caminda di Buena Vista, unda a bolbe sosode un accidente di trafico.

Na yegada di polis y tambe despues ambulance; nan ta bin topa cu un Hyundai Tucson y un Kia Rio.

E accidente aki a sosode den e bocht cerca di e santana di auto.

Ariba imagennan por mira cu e Tucson a bay cay den e mondi cu ta poco mas abou cu e caretera.

Den e Kia Rio un señora a resulta herida y tawata tin mester di asistencia di Paramediconan cu a yega na e sitio.

Polis di trafico na e sitio a tuma dato di e accidente aki. Den oranan di mainta un poco mas pazuid un Nissan Skyline a ranca un palo di luz.

LAND ARUBA ACADEMY

Un plataforma digital di enseñansa gratis pa tur trahado publico



- ✓ 700+ masterclass, video, documento y curso online
- ✓ Diferente articulo cu conocimiento pa tur profesion
- ✓ Disponibel 24/7 for di cualkier lug

Bo persona no ta registra ainda?

Tuma contacto cu bo departamento pa por registra y haya acceso na e plataforma.



"E Curason di Progreso Humano"

Prome Minister Evelyn Wever-Croes: PROME MINISTER TA GRADICI TUR SCOL CU A PARTICIPA NA E PROYECTO DI EDUTECH PA E AÑA ESCOLAR AKI, Y TA FELICITA E SCOLNAN GANADOR

Prome Minister Evelyn Wever-Croes, den number di Gobierno di Aruba ta gradici tur scol cu a participa na e proyecto di Edutech durante e ultimo aña escolar. Pa e proyecto aki a wordo poni disponibel un suma di 400 mil florin, pa asina duna oportunidad na e scolnan pa gana fondo pa por cumpra materialnan digital, biniendo cu nan mesun proyecto di innovacion. Pa e tres ciclonan cu a pasa, e scolnan ganador ya a ricibi nan placa. Pa cu e di 4 y ultimo ciclo, e huradonan completamente independiente ta pasando riba locual e scolnan a entrega pa asina scoge e ganadornan. Unabes tin e ganadornan di ciclo 4, lo completa e 400 mil florin cu Gobierno a pone pa e aña escolar aki.

Mientras e huradonan

ta saca e ganadornan, Gobierno hunto cu Futura ta evaluando con e proyecto aki a bay, sperando pa asina por continua cu ne pa e siguiente aña escolar. Talves lo mester bin algun cambio, pero na final ta importante pa por sigui brinda e scolnan e oportunidad aki, pa gana materialnan innovativo pa asina por prepara nan muchanan di e miho manera pa futuro.

Prome Minister a indica, cu na inicio cu Gobierno y Futura a presenta e proyecto aki, e interes di e scolnan no tabata halto. Esaki sigur a cambia na momento cu a presenta e ganadornan di e prome ciclo. E entusiasmo di parti di e scolnan ta asina halto awor, cu ta importante pa continua, pa asina ekipa tur scol cu e hermentnan necesario, pa



brinda un miho educacion.

"Futuro nos no sa kico ta trece pa nos, pero nos sa si cu gran mayoria di e muchanan awe den scol basico, lo bay traha den funcionnan mayan cu

awe no ta existi, y e unico manera pa prepara nan bon ta a traves di metodonan innovativo. Un biaha mas mi ta gradici tur scol cu a participa na e proyecto aki, y felicita esnan cu a gana. Na tur e scolnan cu

no a inscribi of gana ainda, porfavor sigui inscribi, pa asina engrandece bo oportunidad pa gana e proyecto pa cu e aña escolar nobo," Prome Minister a expresa.

Toyota Tercel a alcansa turista den area di Hot Zone



Palm Beach - Diamars anochi polis a bay den e Hot Zone, unda cu auto lo a dal un persona.

Mirando cu e accidente a sosode ariba e parti di e rotonde cu ta bay termina altura di Casa Tua a laga cera e caminda.

Mucho informa no tin e accidente. Ariba caminda nos por a mira un Toyota Tercel para.

Paramediconan cu a yega e sitio a bay atende cu un dama turista, cu a ricibi algun rasca durante e



incidente.

Pero no tawata necesario

pa e la bay Hospitaal segun por a mira.

Directie Natuur en Milieu (DNM) a traha e SOP pa mantencion y cuido di Matanan di Mangel na Aruba

- Recientemente DNM a traha e documento SOP Procedures Mangrove Maintenance and Care. E documento aki ta sali net na e momento cu tambe ta observa Dia Mundial pa Conservacion di Ecosistema di Matanan di Mangel 2023 cu ta 26 di juli. Den e relato aki nos lo splica mas di e documento y tambe dicon e ecosistema aki ta importante y e servicionan cu e ta brinda. Den e documento ta menciona e matanan di mangel cu nos tin aki na Aruba: Fofoti (*Conocarpus erectus*), Mangel Preto (*Avicennia germinans*), Mangel Shimaron (*Laguncularia racemosa*) y Mangel Tam (*Rhizophora mangle*) y con mester trata esakinan for di awor bay dilanti ora di mantencion. Cu mantencion ta referi na e cortamento y snoeimento di e matanan. Bou di ningun circunstancia por kap, tira abou, kita, haci plat, benta, chapi afo of benta e mata abou. Tin un proceso pa cu e actonan aki na unda ta existi un permiso di excepcion (onthefings procedure). E SOP aki ta traha a base di e leyman "Natuurbescherming verordening (1995) y tambe e maneho Build with nature (2019) cu ta accesibel via nos website dnmaruba.org. E matanan di Mangel *Avicennia germinans*, *Conocarpus erectus*, *Laguncularia racemosa*, *Rhizophora mangle*) tur ta protegi pa e ley "Landsbesluit bescherming inheemse flora en fauna AB" 2017 no. 48" den naturalesa y tambe den areanan protegi y conoci manera "natuurreservaten". Bou di ningun circunstancia y sin un permiso di e minister encarga cu asuntonan di naturalesa, por kap un mata di mangel. Matanan di mangel den otro areanan manera esunan di ciudad (stedelijk), areanan cu ta draai economia, areanan residencial, bufferzone/overgangsgebied, residencial cu balor y landelijk gebied (rural) manera describi den e ROP di 2019 por cuid'e y manten'e pa accesibilidad y rasonnan di seguridad manera e documento aki ta describi tambe. E departamentonan cu tambe a duna nan contribucion na e documento aki ta DOW, FPNA y

BCI. DOW tin e responsabilidad di mantenimento y cuido di e areanan menciona. Fundacion Parke Nacional Aruba (FPNA) y nan contratistanan ta encarga cu e conservacion di e matanan den e areanan cu nan ta apunta pa maneha. Bureau City Inspector y DNM ta e instancianan pa ricibi keho y notificacion ora ta concerni Matanan di Mangel y cu no ta cuadra cu ley. Esakinan na su turno mester di verificacion y ta atendi pa inspectornan cu ta raporta situacion di matanan di mangel na e minister concerni, KPA, Openbare ministerie (OM) y autoridad internacional CITES. Asina ta sigui e proceso di ehecucion di ley. Den e documento di SOP Mantencion di Matanan di mangel tambe por haya e manera cu cada sorto di mata di mangel mester haya mantencion y cuido. Ta menciona e grandura cu e mata mester tin pa haya mantencion, te con leu por corta/snoei, den cua temporada por haci mantencion, cua ekipo por uza pa realisa e trabounan di mantencion y cuido.

Ecosistema di matanan di mangel ta importante pa un cantidad di motibo, esakinan ta:

- Ecosistema di Matanan di Mangel ta provee cuminda y habitat pa cantidad di sortonan marino den e reisanan di matanan di mangel. E matanan ta vital pa cu cuminda di hopi pisca, cangreu y sortonan marino y terrestre. Tambe ta luga di sconde y pa pone webo.
- Ecosistema di matanan di mangel ta proteha nos costa contra erosion. E reisanan di e matanan di mangrove ta wanta e sedimento na suela di lama. Esaki ta yuda proteha costanan den temporada di mal tempo y desasternan natural manera tsunami of horcan.
- E matanan di mangel ta yuda drecha calidad di awa. Matanan di mangel ta absorba nutrientenan y contaminantenan for di awa. Esaki ta yuda drecha calidad di awa asina ta haci'e mas adecua pa bida marino.
- Matanan di mangel ta wanta carbon dioxide. Esaki ta yuda mitiga cambio di clima. E ecosistema di matanan di



mangel ta enfrenta diferente reto, esakinan ta inclui:

- Destruccion door di desaroyo costal. Algun di esaki ta inclui: dredging, yenamento di beachnan y tambe construccion.
- Polucion. Matanan di mangel por sufri di polucion di runoff di agricultura (cu ta contene pesticida), runoff di awa cu no ta procesa/filtra y tambe polucion industrial cu ta cerca di matanan di mangel.
- Piscamento den escala grandi of dimas. Na Ingles ta yam'e Overfishing. Esaki ta reduci e poblacion di pisca y otro animal cu ta depende di matanan di mangel pa biba y come.
- Climate change. Cambio di clima ta causa cu e nivel di lama ta subi y consecuentemente ta causa cu ecosistema di matanan di mangel ta inunda. Restauracion di matanan di mangel ta importante y nan mester di proteccion. Pasobra nan ta duna asina hopi beneficio. Aki tin algun manera pa restauracion:
- Planta yiunan di matanan di mangel (seedlings). Esaki ta un practica comun pa restora matanan di mangel. Por planta esakinan na unda matanan di

mangel a degrada of hende a kita esakinan.

- Proteha matanan di mangel cu tey caba. Esakinan ta areanan marino cu ta proteha manera Spaans Lagoen y Mangel Halto. Tambe regula desaroyo cu ta tuma luga na nos costanan y rifnan.

Restoracion di areanan di matanan di mangel por ta un tema complica y dificil, ta p'esey mester proteha local cu tin caba. Tuma nota di e maneho nobo cu e SOP Mangrove Maintenance and Care riba nos website dnmaruba.org. Y Feliz Dia Mundial di Conservacion di ecosistema di Matanan di Mangel 2023!



Parlamentario independiente mr. dr. Rycond Santos do Nascimento:

Evaluando e ponencianan di Mike Eman



Nos por a tuma nota cu ultimo tempo Mike Eman a bira mas activo den prensa. Pero, su declaracionnan ta muestra claramente cu Mike Eman no tin ningun compasion cu e situacion financiero di e trahado. Mayoria trahado ta haya un salario pa quincena of pa luna. Como cu e trahado tin gasto su salario mester paga pa vivienda, awa y corriente, cuminda, paña, transporte y

cos manera crèche of skol di e muchanan. Mayoria no ta spaar y hopi biaha ta prefera hunga lotto. Bo mester tin “bo liña na awa”. Ora e salario no ta yega e trahado tin varios opcion: (1) busca manera pa gana mas, (2) gasta menos of (3) fia placa. Problema ta cu fia ta crea debe y debe tin e tendencia di crea mas debe.

Mike no por ta worry cu e trahado aki, pasobra constantemente e ta atacando disciplina fiscal. Mike ta predica e mentira cu disciplina fiscal ta conduci na pobreza. Asina nos por a scucha Mike bisa cu gobierno mester stop di haci rekensom. Segun Mike gobierno mester laga tur burocracia y tecnocracia un banda pa tuma decision cu curason. Di e forma aki e por tilda Evelyn Wever-Croes di no tin curason, mientras na mes momen-

to Mike por propone pa Aruba djis fia mas placa. Ta nos yiunan y nietonan ta bay pag’e toch. Esey ta un mentalidad di sinberguensa.

Si Mike tabata un politico serio y cu tin interes di pueblo na pecho, Mike lo a splica cu disciplina fiscal ta nifica cu e placa cu gobierno ta cobra via Departamento di Impuesto y via Aduana (invoerrechten) mester cubri e gastonan di gobierno. Mike lo a splica cu gobiernonan cu ta eherce disciplina fiscal ta controla nan gastonan miho, tin menos debe nacional y tin nivelnan di corrupcion mas abao. P’esey gobiernonan cu ta eherce disciplina fiscal por tin un sistema di enseñansa mas avansa, un sistema di transporte publico pagabel y puntual, cuido medico sostenibel etc.

E realidad ta Mike Eman a goberna sin disciplina fiscal. EL a prefera di crea debe y asina Mike a bira coautor di cada medida cu Evelyn Wever-Croes a tuma. Djis wak e proyecto Bo Aruba. Eynan so a bay mas cu 1 biyon florin. Pero loke su votadornan no ta realiza ta cu proyecto Bo Aruba a crea oportunidad pa friends & family di AVP mafia mas di 100 milyon florin, o sea 10%, na e proyectonan pa e simpel motibo cu no tabatin un administracion profesional.

Cu tanto oportunidad cu Mike a crea pa corrupcion e chens ta grandi cu e friends & family di AVP a defrauda pais na balor di miiyones. Al fin y al cabo Mike a rondona su mes di hende cu no ta integro. De Meza ta un ehempel actual. De Meza a gaña pue-

lo cu bendicion di Mike Eman, ora cu De Meza a bisa cu el a haya un negatief cassatieadvies, mientras cu e cassatieadvies tabata positivo. De Meza a bisa cu e no a exonera Eddy Briesen, pero danki na De Meza awe pueblo mester paga mas cu 2 milyon florin na daño y perjuicio na Lee Tofanelli and associates Inc. Otro ehempel ta Paul Croes cu tambe tabata minister bao Mike y awe Corte Suprema a confirma cu Paul mester sinta un castigo pa soborno. Pa lunanan largo Mike Eman y Benny Sevinger tabata tilda Ministerio Publico di ta hibando un persecucion infunda y politico den caso Avestruz. Sin embargo un hues imparcial a haya Benny culpabel di soborno, o sea corrupcion. Hues tambe a impone castigo riba Suse-

beek, Mansur, Nuñez y Leoncita. Nan a enrikece nan mes door di defrauda pueblo. Tur tabata friends di AVP. Ta ken ta kere ainda cu e integrantenan di e old boys network ta integro? Anto ta hustamente nan tabatin acceso na mas cu 1 biyon florin.

Pueblo mester tin hopi cuidao di un politico cu ta ataca disciplina fiscal, pero no ta ataca e corrupcion cu a tuma luga bao su liderazgo. E realidad ta cu no ta disciplina fiscal ta crea pobreza, pero corrupcion si ta crea pobreza. Ademá, mas debe ta conduci na mas medida. Asina ta cu de facto Mike ta planeando un pais unda bo ta paga impuesto na nivel di un pais rico, pero na unda e servicionan publico ta na nivel di un pais na bancarota.



PRONOSTICO DI TEMPO

VALIDO TE DIARANSON 26 DI JULI 2023, 18:00 ORA

TEMPO:
AWE TARDI Y AWE NOCHI: PARCIALMENTE TE HOPI NUBLA CU UN AWACERO BREVE
DEN MARDUGA Y MAYAN: VARIABLEMENTE NUBLA CU ALGUN AWACERO BREVE

TEMPERATURA MAXIMO 33 GRADO CELSIUS
TEMPERATURA MINIMO 28 GRADO CELSIUS
INDICE DI CALOR (HEAT INDEX) DEN Y ROND DI ORANAN DI MERDIA: 34 PA 40 GRADO CELSIUS
UV INDEX: 12

AVISO/ ALERTA:
UN AVISO PA BOTO CHIKITO TA NA VIGOR PA PARTINAN
OOST TE NOORDWEST DI COSTA.
TA SUGERI OCUPANTENAN DI BOTO CHIKITO PA BAI CU
CAUTELA NA OTRO PARTINAN RIBA LAMA HABRI Y DEN
PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO BREVE.
BIENTO LO TA FOR DI DIRECCION OOST Y MODERA TE BASTA FUERTE, POSIBLEMENTE FUERTE DEN RAFAGA; TEMPERATURA (GRADO CELSIUS)
MAX / MIN LO TA: 33 / 28

Preguntanan critico na Minister Presidente tocante Rijkswet Aruba financieel toezicht (RAft)



Den un carta recién manda na Minister Presidente, sra. Evelyn C. Wever-Croes, miembro di Parlamento, sra. Aquannette A. Gunn, ta pidi claridad riba varios punto tocante e Rijkswet Aruba financieel toezicht (RAft) y e posibilidad cu ta existi pa Aruba por sali for di supervision financiero si nos percursa di cumpli cu e condicionnan stipula den articulo 36 di RAft.

E carta ta pidi Minister Presidente pa comparti un 'overzicht' di e consultanan y palabracionnan

concreto cu a tuma lugar entre e Minister Presidente di Aruba y e Secretario di Estado di Relacionnan di Reino, sra. Alexandra Van Huffelen. Ademas, e carta ta pidi Minister Presidente pa comparti su postura riba e declaracion cu su Minister di Finanzas a haci durante e reunion di 5 di juli ultimo respecto Hulanda.

Un di e punto crucial den e carta ta cu si Aruba por demostra durante 5 año consecutivo cu su gastonan ta bahando den e direccion di yega na un BBP

di maximo 50% na 2040, esey lo por resulta den e terminacion di e supervision financiero. E carta ta pidi Minister Presidente pa splica den detaye e diferencia di autoridad di Parlamento pa lora ta 'onderlinge regeling' y e RAft.

Un otro punto di interes ta e tasa di interes cu Aruba lo paga si e bay di acuerdo cu e RAft. Segun declaracion di Minister Presidente, e tasa di interes lo ta 3.5%, mientras cu segun e carta cu e Secretario di Estado, sra. Alexandra van Huffelen, a manda Tweede Kamer, e tasa di interes lo ta entre 6 y 8% si Aruba no bay di acuerdo cu e RAft, pero niun caminda van Huffelen ta stipula e tasa si Aruba bay di acuerdo. Ta importante pa sa cu exactitud si e informacion duna den Parlamento door di e mandatarionan ta berdader. E carta ta pidi Minister Presidente pa splica e declaracionnan contradictorio aki y tambe e discriminacion cu tin pa lora ta e tasa di interes di e islanan CAS. Corsou y St Maarten (cu desde 2010 ta bou di e supervision financiero Rft lo haya un tasa di interes di mas o menos 2%, mientras cu segun Minister Presidente Aruba lo haya 3.5% si aproba e RAft. E parlamentario kier sa, unda e ideologia di partnernan igual den Reino a keda y e kier sa si Minister President a atende e aspecto di trato desigual cu e Secretario di Estado van Huffelen.

Ademas, e carta ta pidi Minister Presidente pa comparti si Hulanda ta dispuesto di refinancia tur debenan di Aruba riba mercado nacional y internacional na un miho tasa di interes, cual lo haci cu

Pais Aruba na un forma structural lo por yega na reduccion di su debenan y yega na e BBP deseabel di maximo 50% di su BBP na 2040.

E carta ta conclui cu e pregunta si e suma di placa cu Pais Aruba por spaar door di e tasa abou di interes por efectua inversionnan na bienestar general, e.o. den enseñansa y salud publico. E carta ta pidi Min-

ister Presidente pa comparti su punto di bista riba e aspecto aki.

E carta aki ta representa un intento pa busca transparencia den e maneho di e situacion financiero di Aruba.

E ta refleha e preocupacion di e miembro di Parlamento tocante e estado financiero di e pais y e necesidad pa un solucion pronto.



**STICHTING
BLOEDBANK
ARUBA**

**BO SANGER
TA SALBA BIDA!**

☎ 587 0002
f StichtingBloedbankAruba

Registra pa bira donante na www.bloedbankaruba.aw

**Pa abona na
SOLO DI PUEBLO
Yama
585 9500**

Manda nos un e-mail na
solodipueblo@gmail.com




Entrega tur dia te den bo port'i cas

“Señor ta mi wardador, mi’n tin falta di nada
Den cunucu di yerba berde e ta ponemi sosega.

E ta hibami na awa trankil,
Pa mi bolbe haña forsa”.

Salmo: 23

Cu inmenso tristeza na nos curason, nos ta participa fayecimento di mi casa, mi mama, mi oma, nos ruman, tanta, sobrina, prima y cuña stima



Lidia Francisca Dick-Kock

Mihor conoci como: “Lidia”, “Juf. Kock”

*04-10-1954 - †22-07-2023

Acto di entierro lo wordo anuncia despues.

Minister Maduro di Finansa ta informa:

GOBIERNO TA BRINDA INFORMACION FINANCIERO CADA KWARTAAL DEN E UITVOERINGRAPPORTAGE CU TA RIBA WWW.GOBIERNO.AW

Den tur transparencia Pueblo por mira ta ken Gobierno di Aruba debe placa



Den e dianan aki e discusionnan a cuminsa a lanta cabes riba e topico di e refinanciamiento di e debenan haci door di Aruba na Hulanda pa cubri e gastonan relaciona na e pandemia. Minister Maduro a tuma nota di informacionnan incorrecto cu ta circula specialmente riba medionan social relata na e financiamiento di e debe di nos Pais. Pa e motibo aki Minister Maduro di Finansa un bes mas ta brinda e informacion corecto tocante di finansa publico di Pais Aruba.

Informacion financiero di Pais Aruba ta riba www.gobierno.aw Minister di Finansa ta informa Parlamento di Aruba cada kwartaal riba, entre otro, e desaroyo di e debe di Pais Aruba den e 'Uitvoeringsrapportage URK' cu ta disponibel riba www.gobierno.aw. Ta importante pa no solamente Parlamento, pero particularmente Pueblo por mira den tur transparencia con e desaroyo di e debe di Aruba ta, kico ta e modalidadnan y ken Aruba ta debe placa.

Aruba ta fia fo'i institucionan di bon reputacion Minister di Finansa ta enfatisa cu Pais Aruba cu ta forma parti di Reino Hulandes no por fia placa na IMF, ya cu Reino ta un donor di IMF. Gobierno di Aruba ta fia solamente di institucionan financiero renombra y di bon reputacion, y Aruba no ta fia placa cerca otro Paisnan manera, por ehempel, China manera ta wordo menciona riba media social.

Proceso pa fia ta riguroso y cu aprobacion di Hulanda E mandatario ta subraya

cu pa Aruba fia placa riba mercado internacional tin un proceso riguroso cu mester wordo encamina. Parti di e proceso tambe ta encera e aprobacion previo di Consejo di Minister di Reino basa riba artikkel 29 di Statuut pa Aruba por cera acuerdonan di fianza riba mercado internacional

Busca informacion corecto prome cu publica riba medionan social

Minister Maduro ta haci un apelacion pa den e discusion riba supervision financiero bou di un ley di Aruba LAFT of un Ley

di Reino Hulandes RAFT, uza informacion corecto di finansa publico di Aruba. Esaki tur kwartaal ta disponibel den e Uitvoeringsrapportage URK cu ta wordo publica riba www.gobierno.aw. Critica riba gobernacion ta libertad di nos tur riba Aruba, pero Pais Aruba mester wordo trata cu respet. Finansa Publico ta un tema complica. P'esey ta masha importante pa busca pa sa tocante di e topico di financiamiento di e debe di Pais Aruba prome cu publica informacion erroneo cu ta atacha e imagen di nos Pais.

Clasificados

Icons representing various services: car, house, shopping cart, truck, tools, and people.

SOLODIPUEBLO@GMAIL.COM
CEL. 585 9500

SOLO Di Pueblo

"Señor ta mi wardador, mi'n tin falta di nada. Den cunucu di yerba berde E ta ponemi sosega. E ta hibami na awa tranquil pa mi bolbe haya forza."
Salmo:23

Fundacion Facilidadnan Deportivo
tin e tristo deber di anuncia fayecimento di:

SRA. MAYDEE JOSEFINA REYES CRISTOBAL

Na bida, señora di nos colega
Sr. Albertico (Tico) Wolff

Directiva, Staff y Personal di Fundacion Facilidadnan Deportivo ta expresa su mas profundo condolencia na Tico y famia.

Cu Dios duna e famia forza den e tempo dificil aki.

FFD FUNDACION FACILIDADNAN DEPORTIVO

Ocho Modelo di The Chaz Modeling & Talent School biahando pa Punta Cana Merengue Fashion Week PCMFW2023"



The Chaz Modeling & Talent School den cuadro di su 25 aña di existencia lo tin 8 Modelo biahando pa participa den un Fashion week hopi renombra na Punta Cana.

E Fashion Week aki lo conta cu hopi Modelonan, Designers y tambe coaches y Prensa International cu lo cubri e evento aki. E ta wordo organiza pa e Organizacion Gatsby dirigi pa Sra. Nerys Diaz.

E Modelonan lo risibi taller di Pasarela, Photo Shooting y lo desfila pa

diferente designers Local y tambe Reconosi di Caribe.

Nos modelo Ganadornan di Orlando Fashion Kids 2023 (OFK) a hanja invitashon special cu tur gasto paga pa tey presente cual nan ta Caithlyne Kock Pre Teen Top Model OFK 2023 y Stacey De Veer Super Model OFK 2023.

Tambe lo ta biahando Tannique Chan, Kaythairy Richardson, Danielle Raymakers, Giandra Croes, Jennyraine Maduro y Annabell Bislip kende porci-

erto a caba di baha corona na Republica Dominicana como Beautiful of the World Agnes 2022.

Aruba por ta sigur cu nos hobennan lo bai hasi un tremendo papel.

Ta great pa Mensiona cu nos tin entre e Modelonan aki 3 Mucha Special cu sigur lo bai demonstra nan Talento riba pasarela y asina mustra cu Inclusion y Integracion ta juda desaroja nan positivamente.

Nos lo tin tambe 2 di Nos Modelonan cu lo ta e mesun siman aki na Punta Cana pa e Certamen di Miss Ambar Mundial. Cual lo ta Mini Aruba Thaheely Geerman y Pre Teen Aruba Maya Gordon. Nan lo ta hunto cu Cas Princesa. Y sigur nos lo apoya nos modelonan grandemente.

Por sigui nos modelonan nan trayectoria otro siman diana 3, 4 y 5 augustus 2023 via nos plataforma social: Facebook y Instagram, The Chaz Modeling & Talent School y Punta Cana MFW.



Minister Ursell Arends:

Avansenan den e maneho di transporte a wordo comparti cu chauffeurnan di autobus chikito durante reunion informativo



Siman pasa diahuebs a tuma luga un reunion informativo cu chauffeurnan di autobus chikito hunto cu Departamento di Transporte Publico. A

elabora riba ultimo desaroyonan pa loke ta e maneho di transporte. Den e caso aki, esun nan cu ta relata especificamente pa autobusnan chikito.

Puntonan cu a wordo presenta ta vestuario, asiento, tarifa y vergunning. A informa cu autobus chikito por tin maximaal 11 asiento pa pasahero segun ley (Lv personenvervoer Art 1 Lid 1). Cu e asiento di chauffeur ta forma e 12 asiento cu por tin den un autobus

chikito. Ta duna vergunninghouders 8 siman di tempo pa saca asiento extra conforme ley. E decision di Minister ta basa riba conseho di DTP y Lv personenvervoer.

Otro puntonan cardinal cu ta atende cu ne pa loke ta e maneho ta entre otro empuhe pa un forma sostenibel di transporte por ehempel vehiculo electrico, hidrogeno como fuente di energia alternativa, posibel adaptacion e.o. ruta, regulacion di salida, orario y por ul-

timo revisa prijs di permiso cual a wordo reglana 2004.

Minister Arends, encarga cu e maneho di transporte, ta comprometi pa inclui e chauffeurnan di autobus activamente den e implementacion di e maneho.

Asegurando nan aporte valioso, nan preocupacionnan ta ser scucha y tuma na cuenta den esfuersonan continuo pa crea un sistema di transportacion mas eficiente y sostenibel.

Aruba Bank ta anuncia su empleado superior

Oranjestad – 26 di juli 2023 - Aruba Bank ta orguyoso di por anuncia su empleado superior pa luna di juni 2023. Nos meta ta pa percura pa cada cliente ricibi lo mihor for di su experiencia na banco. Esaki no lo ta posibel sin e guia y sosten di nos emplead-

onan. E luna aki, nos ta reconoce Danella Tromp door di bai e extra miya ora di duna servicio na su clientenan interno y externo. E ta haci esaki door di semper bin cu ideanan nobo y inovativo pa asina por mehora e calidad di servicio cu ta wordo duna.

Danella Tromp a sa di demonstra dedicacion excepcional pa por brinda servicio di calidad na nos clientenan. Nos empleadonan sa di haci esaki cu un actitud positivo, bon manera di comunica y un compromiso increibel pa por brinda un experiencia superior. Pa es motibo nos como banco ta reconoce



nan trabou duro y dedicacion.

E compromiso di cada empleado ta permiti nos pa por brinda un experiencia superior na tur nos

clientenan. Nos ta mas cu orguyoso pa reconoce Danella Tromp como nos empleado superior pa luna di juni 2023. Pabien Danella pa e tremendo trabou!

SOLO Di Pueblo
Pago online facil y lihe
Abonnement of Aviso
 Pa haci pago online pone number y adres na cuenta di Banco RBC Sunmax Printing
 Account # **7700000100152447**



Parlamentario Alvin Molina (MEP):

Mi ta felicita e 40 graduadonan di IBERO American High School



Mi tabatin e honor pa presencia ceremonia di graduacion di IBERO American High School na San Nicolas. Un ano-

chi hopi special unda cu 40 graduado a ricibi nan diploma. E studiantenan aki a traha hopi duro pa finalisa nan estudio exi-

tosamente y nan logro ta resultado di nan esfuerzo, dedicacion y perseverancia. Durante e ceremonia oficial, mi tabatin e oportunidad pa hiba palabra unda cu den nomber di Minister di Enseñansa y Deporte Endy Croes, mi a felicita e graduadonan pa nan logro. Esaki sigur ta marca e comienso pa mas exito. Mi ta encursaha e alumnonan pa sigui studia, sigui siña y desaroya nan mes pa asina nan por logra nan meta y den futuro por contribui na desaroyo di nos pais. Ta tarea di Gobierno di Aruba pa inverti den enseñansa y crea plataforma unda ta brinda oportunidad na tur ciudadano pa por educa y desaroya nan mes. Y como parlamentario ta mi deber pa controla si esaki ta wordo haci debidamente. Despues di un dushi cena mi tabatin e honor pa otorga diploma na e 40 graduadonan. Na final di e ceremonia a reconoce e miho graduado di IBERO

American High School Jean Clarie Rob. Por ultimo, mi ta felicita e graduadonan. Alabes, mi ta gradici director Sr. Andy Centeno, staf, mentor, docente- y mayornan cu a

contribui den e logro di e graduadonan.

Mi ta desea tur graduado hopi exito den e siguiente etapa di nan estudio. Ma-sha pabien klas di 2023!

Pa abona na

SOLO DI PUEBLO

Yama

585 9500

**solodipueblo@
gmail.com**

**Entrega tur
dia te den
bo port'i cas**



GLW Foundation ta presenta Curso di Pasarela cu Instructor International Hector Moreno



Esaki ta pa yudabo crea mas confiansa den bo mes.
Dianan 15,16,17 y 18 di Augustus GLW Foundation organisadornan di Miss Teen Aruba International, Thick Madame y Turismo Mundial lo tin instructor di pasarela international Hector Moreno na Aruba pa asina duna algun curso di pasarela pa tur esnan interesa den tuma e curso aki. E curso aki por wordo tuma pa mucha, hoben y adulto. Aparte di e curso di pasarela aki tambe lo tin Photo Pose, Comportacion Social, Modelahe Basico Y Profesional y tambe Expression Corporal, Dominio



di Sapato, Bahamento di Trapi. E curso lo tin un duracion di 1 ora y mei y lo costa 150 florin pa e curso di 4 dia aki. Durante curso lo tin refreshments y na final tur cursista lo ricibi nan certificado di participacion. Ya Sr. Moreno a duna 2 curso caba aki na Aruba y ambos exitoso. Esnan cu ta interesa por Whatsapp na 561-6151 y registra pasobra lugar ta limita. E curso aki ta yudabo pa bo tin mas confiansa den bo mes y kisas conoce tambe un poco mas di e mundo di belleza.

Clasificados

SOLODIPUEBLO@GMAIL.COM
CEL. 585 9500

SOLO

SUDOKU MANIA

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

Crossword Puzzle

ARBUSTO
BANCO
CARRETILLA
ESTANQUE
FLORES
FUENTE
INVERNADERO
MANGUERA
PALA
PARTERRE
PLANTAS
SETO
TIJERAS

Z	M	A	N	G	U	E	R	A	M	I	N	W	B
E	T	V	E	U	Q	N	A	T	S	E	Y	O	R
R	E	M	F	U	E	F	B	A	B	A	N	C	O
R	X	X	A	L	A	P	G	O	U	Q	A	D	R
E	O	R	E	D	A	N	R	E	V	N	I	E	N
T	C	A	R	R	E	T	I	L	L	A	O	C	K
R	W	J	X	W	O	S	S	E	R	O	L	F	W
A	K	V	D	S	A	T	A	T	H	W	T	Y	D
P	O	A	D	T	P	F	S	E	R	I	E	B	S
Y	O	T	N	W	U	V	Y	U	J	B	R	K	Z
P	T	A	E	E	Q	W	W	E	B	H	J	R	E
U	L	E	N	S	G	U	R	M	T	R	C	Z	R
P	A	T	Y	K	K	A	G	U	Q	Z	A	I	Z
P	E	X	B	B	S	P	T	R	C	I	G	D	V

**STICHTING
BLOEDBANK
ARUBA**

BO SANGER TA SALBA BIDA!

587 0002
 StichtingBloedbankAruba

Registra pa bira donante na www.bloedbankaruba.aw